

類

編

長

安

志

類編長安志卷之四

京兆路儒學教授駱天驥編集

開城路儒學教授薛延年校正

堂宅亭園

堂

明堂周禮匠人周人明堂度九尺之筵東西九筵南北七筵堂崇一筵五室凡室二筵注此三者或舉宗廟或舉王寢或舉明堂立言之以明其周制斯干宣王考室也築室百堵西南其戶箋此築室者謂築燕寢也西

其戶南其戶者宗廟及路寢制如明堂每室四戶是室一南戶耳禮明堂位昔者周公朝諸侯于明堂之位我將祀文王於明堂也呂氏春秋曰周之明堂茅茨蒿柱土階三等以見儉節也

玉堂漢書楊雄傳歷金門上玉堂晉灼曰三輔黃圖有大

玉堂小玉堂又李尋曰久汗玉堂師古曰在未央宮

朱鳥堂三秦記曰未央宮有朱鳥堂非常室

東堂後秦姚興聽政之暇引姜龕等于東堂講論道藝錯

綜名理

明堂前秦符堅起明堂繕南北郊祀其祖洪以配天宗祀

健以配上帝

露堂符堅將為教與王猛符融密議於露堂

西堂車師前部王彌寘鄒善王林密歇朝于符堅堅賜以

朝服引見西堂寘等觀其宮宇壯麗儀衛嚴肅其懼因請年年貢獻堅不許

朝堂姚元子召姚紹等密設於朝堂以擊姚懿謀

懿議堂王績見聞錄姚興與常臨懿議堂聽斷疑獄當時號無冤滯

澄玄堂王績見聞錄姚興引諸沙門于澄玄堂聽鳩摩羅什演說佛經

偃月堂長安志平康坊有唐右相李林甫宅內有偃月堂林甫欲排構大臣即處之思所以中傷者若喜而出即其家瓦解矣

德星堂大唐遺事吏部尚書崔郾與弟浙西觀察使郾金吾大將軍郾淮南觀察使郾皆貴顯同居構堂宣宗數曰崔氏一門孝友可為士族之法題其堂曰德星宅在

光宅坊

合歡堂天寶遺事號國夫人楊貴妃之姊也於永昌坊構堂曰合歡費方金堂成召匠汚漫以二十萬償其直匠者不顧復與紅羅五千段工者又不顧號國問其由匠曰某平生之能殫於此矣苟不信願得螻蟻蟬蛸蜂蠆之類數其後之堂中有間隙亡一物即不論工直也於是復與金盆二瑟瑟二斗繒絲為賞後有暴風拔樹委於堂上略無所損既撒瓦而觀皆承以木瓦其精妙制作有如此者

成德堂新說曰長安府學成德堂七間八椽高敞雄壯至今猶存

來芹堂在成德堂後收貯官書文籍

匪懈堂新說曰長安省衙正堂匪懈堂遭正大火焚丙申

年田俟重修

青蓮堂新說曰青蓮堂在省衙蓮池宋陳堯咨建至今猶存今為總庫

飛雲堂在省衙匪懈堂後

衆樂堂新說曰衆樂堂在興慶池北金朝金紫光祿大夫

張仲孚所建與賓客宴遊

願真堂新說曰張金紫宅在長安將相坊正堂扁曰願真兵後猶存

空翠堂新說曰空翠堂在鄠縣漢陂堤上賓客遊宴之地堂中杜工部漢陂行石刻在焉

讀書堂新說曰鄠縣南有柳塘中有讀書堂乃紫陽先生講學之所商左山詩曰牙籤聲散絳帷風人在參乎一唯中名教會心真樂在區區應笑事雕蟲

雙桂堂新說曰雙桂堂在京兆景風里正大甲申張浩然  
二子琚珪同榜及第長安令王公一題詩曰雙飛兄弟  
古難全屬塔題名間後先誰侶二公方巨慶不離一榜  
在同年得官雖自文章力教子都因父母賢泉下呂公  
何命薄不能雙桂慰生前呂諸議乃二公之師

宅

十六王宅唐政要先天之後皇子幼則居內東封後以年  
漸長乃於安國寺東附苑城同為大宅分院居之令中  
官押之於夾城中起居每日家令進饌十王謂慶忠棟  
郭榮公儀賴永濟也其後盛壽陳豐恒京六王又封入  
內宅天寶中十四王居內而府幕列于外坊歲時通名  
起居而已外諸孫成長又於十宅外置百孫院十王宮  
人每院四百人百孫院三百人又於宮中置維城庫諸

王月俸物納之給用諸孫婚嫁亦就十宅中太子不居於東宮但居於乘輿所幸別院太子之子亦分院而居婚嫁則同親王公主於崇仁坊會禮院也

太平公主宅沒官後賜散騎常侍李問之宅在興道坊國子祭酒韓洄宅

尚書左僕射令狐楚宅按百陽雅俎楚宅在開化坊牡丹最盛而李商隱詩多言晉陽里第未詳

戶部尚書馬摠宅

河東節度使兼侍中李光顏宅穆宗初賜第崇德坊此為別宅

尚書吏部侍郎沈傳師宅

前司徒兼侍中崔垂休宅已上六宅並在開化坊贈尚書左僕射劉延景宅



汝州刺史王昕宅延景即宣王憲之外祖昕即薛王業之

舅皆是親王外家

萬春公主宅明皇女降楊鈞

戶部尚書兼殿中監章仇兼瓊宅

前中書侍郎同中書門下平章事元載宅譚賓錄曰元載  
城中開南北二甲第又於近郊起亭榭帷帳什器皆如  
宿設城南別墅凡數十所婢僕曳羅綺三百餘人杜陽  
編曰載宅有芸輝堂芸輝香草名也出于關國唐寶錄  
曰毀元載祖及母墳墓斲棺棄柩及焚毀載私廟木主  
并毀大望安仁里二宅充修葺百司廨宇汙宮之義也  
又敗同州刺史宋晦為澧州負外司馬晦嘗任統州刺  
史率百姓採盧氏山木為載造東都私第故也

義武軍節度使同中書門下平章事上谷郡王張孝忠宅

太子右庶子崔造宅太子賓客燕國公于頔宅

太保致仕岐國公杜佑宅○已上九宅咸在安仁門

檢校司空尚書左僕射同中書門下平章事魏國公賈耽宅

右衛上將軍南充郡王伊慎宅○右二宅在光福坊

本司空梁國公房玄齡宅

河中節度使兼中書令延德郡王張茂昭宅

左散騎常侍于德晦宅○右三宅在務本坊

太子左庶子駙馬都尉蘇勗宅後為英王園其地湫下無

人居

博陵郡王崔玄暉宅

祕書監馬懷素宅

工部尚書韋瓘宅

贈太尉段秀實宅

尚書左僕射竇易直宅明皇雜錄曰本中書令崔圓宅祿

山盜國王維鄭虔張通皆處於賊庭洎尅復俱囚於宣

楊里楊國忠之舊宅崔國因召於私第令畫各有數壁  
當時皆以圖勲賞無二望其款解故運思精巧頗極能  
事其後皆得寬輿至於敗謫悉獲善地其第鬻於易直

太和中畫尚存

劔南東川節度使王承業宅武俊之孫士真子也○右七

宅成在崇義坊

侍中駱馬都尉楊師道宅其地後分裂左監門大將軍韓

琦尚書刑部侍郎崔玄童荆府司馬崔光竟等居

中書令張嘉貞宅本太常少卿崔日知宅唐書曰貞元中

裴延齡為德陽郡主治第時將降郭鉞延齡令嘉貞之

子徙所治廟德宗不許按韋述記載嘉貞宅于此延齡

所徙乃是廟而嘉貞碑宅在思順里今無思順坊未詳

邠寧節度使馬璘宅德宗實錄曰大曆十四年七月毀元

載馬璘劉忠翼之第自天寶中京師堂寢已極宏麗而第宅未甚逾制然衛國公李靖廟已為嬖人楊氏庇矣及安史二逆之後大臣宿將競崇棟宇無復界限力窮乃止人謂之木妖而馬璘之堂尤盛計錢二十萬貫他室稱是璘卒於軍以喪歸京師士庶欲觀之假名於故吏投刺會吊者數十百人故命撤毀之自是京師樓榭之踰制者皆毀

紀國大長公主宅肅宗女降鄭沛

黃門侍郎同中書門下平章事杜鴻漸宅鴻漸於長興聖築第崇飾門館賦詩曰常願追輝侶安能挹化源朝士多和之

漢陽大長公主宅即德陽郡主也順宗長女

鎮海軍節度使同中書門下平章事路隋宅右七宅在永樂坊

丞相燕國公張說宅本侍中王德真宅說大加修葺焉常  
侍言旨曰泓師與說買永樂東南第一宅有永巷者戒  
曰此宅西北隅最是王地慎勿於此取土越月泓又至  
謂燕公曰此宅氣候忽然索漠甚必恐有取土於西北  
隅者公與泓偕行至宅西北隅果有取土坑三數坑皆  
深丈餘泓大驚曰禍事今公富貴一身而已更二十年  
外諸郎君皆不得天年燕公大駭曰填之可乎泓曰客  
土無氣與地脉不相連今欲填之亦猶人有瘡痍縱以  
他肉補之終無益也燕公子均均皆為祿山委任克復  
後均賜死均長流之  
司徒中書令晉國公裴度宅唐實錄曰度自興元請朝覲  
宰相李逢吉之徒百討廢沮有張權輿者既為族犬尤  
出死力乃上疏云度名應圖識宅據崗原不召而來其

昔可見蓋常有人與度作讖詞云非衣小兒坦其腹天  
上有曰被驅逐言度曾征討淮西平吳元濟也又帝城  
東西橫亘六崗符易象乾卦之數度永樂里第偶當第  
五崗故權輿以為詞盡欲成事然竟不能動搖右二宅在靖安坊

咸宜公主宅玄宗女再降崔嵩

尚書吏部侍郎韓愈宅右二宅在安善坊

太子太師鄭國公魏徵宅本隋安平公字公愷宅封演見

聞錄曰徵所居室屋卑陋太宗欲為營構輒謀讓不受  
洎徵寢疾太宗將營小殿遂輟其材為造正堂五日而  
就開元中此堂猶在家人不謹遺火燒之子孫哭臨三  
日朝士皆赴吊後裔孫蕃相宣宗居舊第焉在廣化坊

尚書左僕射阿南郡公褚遂良宅自遂良父太常卿亮居

右相李林甫宅本尚書左僕射衛國公李靖宅景龍中韋

庶人妹夫陸頌所居韋氏敗靖姪孫散騎常侍令問居  
之後為林甫宅有堂如偃月號月堂每欲排構大臣即  
處之思所以中傷者若喜而出即其家碎矣又說其宅  
有妖恠東北隅溝中至夜每火光大起甫小兒持火出  
入林甫惡之春分其宅東南隅立為嘉猷觀右二宅在平康坊

兵部尚書郭元振

前司空兼右相楊國忠宅繞國夫人居坊之左國忠第在

其南右二宅在宣陽坊

尚書右僕射燕國公于志寧宅後併入相府閑地置廟後

勅賜貴妃豆盧氏後左金吾大將軍程伯獻黃門侍郎

李嵩等數家居焉

叛臣安祿山宅祿山故事曰舊宅在道政坊玄宗以其隘  
陋更於親仁坊選寬爽之地出內庫錢更造堂皇院宇

竊竊周匝帷帳慢幕克切其中天寶九載祿山獻俘至  
京命人新宅譚賓錄曰祿山入朝勅於親仁坊南街造  
宅堂皇三重皆象宮中小殿房廊寗寗綺綺疏誥曲無不  
窮極精妙什物克切以金銀織傍筐笊籬等每欲賞賜  
之明皇皆謂左右曰祿山眼孔大勿令笑人

尚父汾陽郡王郭子儀宅譚賓錄曰宅居其地四分之一通  
永巷家人三千相出入者不知其居又曰親仁里大啟  
其第里巷負販之人上至公子簪纓之士出入不問或去  
王夫人趙氏愛女方耕梳對鏡往往公麾下將吏出鎮  
去及即吏皆被召令汲水持梳視之不異僕隸也日子  
弟集列啓諫公三不應於是繼之以泣曰大人功業已成  
而不自崇重以貴以賤皆將卧內某等以為雖伊霍不  
當如此也公笑而謂曰爾曹固非所料且吾官馬食粟



者五百匹官餽者一千人進無所往退無所據向使崇垣錫戶不通內外一怨將起構以不臣其有貪功害能徒成就其事則九族齏粉噬臍莫追今蕩蕩無間四門洞開雖讒毀是興無所加也吾是以爾諸子皆伏其西本于志盛宅

昌樂公主宅明皇女降嗣畢國公竇錡

右四宅在親仁坊

禮部尚書裴行儉宅

贈太尉祁國公王仁皎宅本禮部尚書鄭善果宅後臨江

王囂賀之神龍初宗正卿李晉居焉繕造廊院稱為甲第晉誅後勅賜仁皎

開府儀同三司博陵郡王李輔國宅

前司空兼門下侍郎同中書門下平章事王涯宅乃楊憑故第家書與祕府侔名書畫以金玉為奩軸鑿垣貯之

重復秘固若不可窺者及被誅為人破垣剔取奩軸金

玉而棄其書畫於道籍田宅入于官

右四宅在永寧坊

司徒兼中書令李晟宅興元元年賜晟永崇里甲第詔宰  
臣諸節將會送是日特賜女樂八人錦綵銀器等令教  
坊太常備樂京兆府供具鼓吹迎導集宴京師以為榮  
觀

在永崇坊

尚書右丞庾敬休宅國史補曰敬休宅屋壁有畫奏樂圖

王維嘗至其處

維

視而笑或問其故維曰此霓裳羽衣

曲第三疊第一折好事者集樂工驗之無一差者

在昭國坊

叛臣朱泚宅建中中羣盜夜分數百騎取泚於進昌第

號其宅為潛龍宮徙珍寶實之人謂潛龍勿用亡兆也

在進昌坊

盛王憲宅宅以東歧王範宅

開府儀同三司宋璟宅譚賓錄曰璟宅中造屋悉東西正陽

尚書左僕射邠國公韋安石宅右四宅在安興坊

薛王業宅本贈禮部尚書韋行全宅

銀青光祿大夫薛繪宅繪兄弟子姪數十人同居一曲姻

黨清華冠冕茂盛坊人謂之薛曲右二宅在勝業坊

左衛大將軍范陽公張延師宅延師兄弟大師銀青光祿大

夫華州刺史次兄植金紫光祿大夫營州都督兄弟三

人同時三品甲第宏敞高門洞開一宅之中桑戟齊列

時人榮之號三戟張家其地景龍中司農卿趙臘溫居

中書侍郎同中書門下平章事趙國公李吉甫宅盧氏雜

說曰李吉甫宅泓師謂其地形為玉杯牛僧孺宅為金

杯云玉杯一破無復全金杯或傷重可完僧孺宅在新

昌里本天寶中將作大匠康晉宅晉自辨圖阜以其地

當出宰相每命相誓必引頸望之宅卒為僧孺所得吉

甫宅至德裕敗其家滅矣右二宅在邑坊

尚書右僕射裴遵慶宅國史補曰遵慶罷相知還朝廷優其年德令就第注官自宣平坊榜引士子以及東市兩街時人以為盛事遵慶子向為吏部尚書致仕所居內外支屬百餘人所得祿俸必與同費稱其孝睦

兵部尚書柳公綽宅公綽子仲郢自拜諫議大夫後每選官羣島大集於第之庭木戟架皆滿比五日而散家人以為候唯除天平軍節度烏不復集遂卒于鎮右宅在昇平坊

尚書右丞相張九齡宅在修政坊

尚書左僕射致仕楊於陵宅於陵子嗣復相文宗嗣復子官平盧軍地節度使其第與宰相路巖居相接巖以欲欲易損馬廐廣之損兄弟在朝者且卜數曰時相可拒之邪損曰凡尺寸地非吾等所有先人舊業安可以奉權

臣巖不悅自殿中侍御史命鞠獄黔中

太子少師牛僧孺宅其事具安邑坊李吉甫宅下左宅在新昌坊

行臺左僕射鄭國公殷開山宅本隋蔡王智積宅

秘書監顏師古宅貞觀永徽間太常少卿歐陽詢著作郎

沉越賓亦住此坊殷顏即南朝舊族歐陽與沉又江左

士人時人呼此坊為吳兒坊

鄭國夫人楊氏宅武惠妃之母

京兆尹韋武宅元和人右宅在通化坊

中書令閻立本宅後申王傳符太玄居之西亭有立本所

畫山水在延康坊

黃門監盧懷慎宅懷慎居官清儉宅在陋巷屋宇殆不蔽

風雨

光祿少卿竇瑗宅昭成太后之從父弟按咸通中河中節

度使竇瑑與弟河東節度使漸同居崇賢第家富於貴  
疑是瑗之後右二宅在崇賢坊

武三思宅本騎馬都尉周道務宅神龍中三思以子崇訓  
尚安樂公主大加彫飾三思誅後主移於金城坊開元  
中道務子勵言復居之在休祥坊

太華公主宅明皇女降楊錡

義陽公主宅德宗義陽公主降王士平

岐陽公主宅憲宗女降宰相杜保疏龍首池為沼

同昌公主宅懿宗女降宰相韋保衡杜陽編曰其宅房櫳  
戶牖以衆寶飾之金銀為井欄水精火齊琉璃玳瑁等  
床悉楷以金龜銀整合百寶為圓按大會韋氏一族於廣  
化里暑氣特甚公主命取澄水帛以蘸之拄于南軒滿坐  
則皆思挾纈澄水帛似布明薄可鑒其中有龍涎故能

號

消暑按保衡宅在昌化里此云廣化誤也右宅在昌化坊  
國夫人楊氏宅明皇雜錄貴妃姊號國夫人思傾一時於  
宣陽坊大治第宅棟宇之盛世無其比所居本韋嗣立  
舊宅韋氏諸子亭午方偃息於堂廡間忽見一婦人衣  
黃披衫降自步輦有侍婢數十笑語自若謂韋氏諸子  
曰聞此宅欲賃其價幾何韋氏降階言曰先人舊廬未  
忍所捨語未畢有工數百登房標其瓦木韋氏諸子既  
不能制乃率家僮挈其琴書委於衡路而歎曰不才為  
勢家所奪古人之戒將見於今日矣而與韋氏隙地十  
餘畝其他一無所得號國夫人於此蓋合歡堂所費二  
千萬

太子少保崔琳宅張注曰琳祖義玄父神慶伯神基皆為  
相其父昆弟之子洎出三朝宴者數十人鳴玉啟道自

興寧里謁大明宮冠蓋相望一時榮之

孫思邈宅大唐遺事華原縣東北五里流惠坊玉磬山有孫思邈舊宅有石洞洞中塑像猶存

宋丞相寇萊公宅新說曰府城掖庭街有萊公宅中有山池熙熙臺後為寺號安衆禪院中有萊公祠堂

宋种太尉宅新說曰府城衙後街有种太尉宅中有奎鈞慶賜之閣下東壁繪晉王羲之蘭亭圖西壁繪廬山遠公白蓮社圖

宋太尉張金紫宅新說曰府城草場街有金紫光祿大夫張中孚宅中有願真堂後為錢監金為利用倉

亭

夏甘亭道里記甘亭在鄆縣尚書啟與扈戰于甘之野帝王世記甘亭殷為崇國文王代崇



周繁亭朝野僉載堯封后稷于稷今武功縣西南二十里

有郃亭即周之郃國也今為郃城鄉

戲亭史記曰戲亭在新豐縣東南驪山平原蘇林曰褒姒

不好笑幽王為烽火大鼓有寇至舉烽火諸侯悉至無

寇褒姒乃笑欲悅之數舉烽火諸侯不信大戎共攻幽

王徵兵不至遂殺幽王於驪山下○潘岳西征賦曰煨

戎之侵地疾幽王之詭惑舉偽烽以沮眾淫嬖褒而蹤

厲軍敗戲水之上身死驪山之北赫赫宗周滅為亡國

杜郵亭咸陽記曰杜郵亭在縣西十八里白起自刎處水

經注曰咸陽城西十八里有杜郵亭今為孝里亭西有

白起墓

漢鴻門亭兩京道里記鴻門亭在新豐縣即漢高帝會項

羽處北有鴻陂南有坂口故曰鴻門

曲郵亭漢書曰曲郵亭在新豐縣西二里乃張良追高祖  
唐望春亭云京城一十一里據苑之東南高原之上東臨澇  
水西岸兩京道里記曰隋文帝初置以作送客亭煬帝  
改名長樂宮大業初夜見太子勇領徒十人各持兵仗  
問楊廣何在帝懼走長樂宮文武宿衛不知乘輿所在  
比明方移杖此宮煬帝遂幸洛陽終大業不敢都長安  
李晟英德宗御望春門臨送疑亭有門按長安圖及雜  
見多云望春宮

北望春亭在南望春亭北亦曰北望春亭宮

坡頭亭

柳園亭

月坡毬場亭子

坐六所苑內長樂監所領

真興亭文宗時真興門外野鵲巢家上疑亭外有門構

神臯亭

七架亭

青門亭去宮城十三里在故城東門

之外即邵平種瓜之所

太液亭唐逸史穆宗初侍講韋處厚入太液亭分講毛詩  
尚書文宗纂集君臣事跡命圖寫於太液亭朝夕觀覽  
倉春亭唐實錄宣宗召學士令狐綯對含春亭賜蓮花炬  
送歸院

沉香亭明皇雜錄開元間初種木芍藥得四本上移于興  
慶池東沉香亭前

振旅亭譚賓錄天寶六載於開遠門外作振旅亭以待兵迴  
東亭唐書德宗貞元十二年二月宴宰相於麟德殿東帝  
令於宰相坐後施屏風圖畫漢魏以來名臣并列善言  
美事於其上

會慶亭唐書貞元十二年憲宗御會慶亭宴曰弘正及宰  
臣三品以下

白雨亭長安志太平坊有御史大夫王鉞宅天寶中鉞有

罪賜死官簿錄太平坊宅財物數日不能遍宅內有白  
雨亭簷上飛流四注如白雨當盛夏處之凜若高秋皆  
思扶續

宋桂林亭亦曰三桂亭新說曰桂林亭在長安城南杜城  
渚水之陽乃宋諫議陳公之別墅三子堯叟堯佐堯咨  
同登科扁其亭曰三桂繪其像仍各書所試程文題於  
板示不忘其本大中祥符堯咨知永興軍府事書詩於  
碑至今猶存詩曰不誇六印滿腰間二項仍尋負郭田  
當日弟兄皆刷羽如今鴻鴈盡摩天扶疎已間新栽竹  
清淺猶尋舊激泉大戶今來還又去夕陽旌旆復翩翩  
長樂亭新說曰長樂亭在京北通化門東十里長樂坡上  
堯咨自序云青門路長樂坡古別離之地大中祥符七  
年予為京兆守作亭於坡側東出迎錢必至斯亭但見

綠

頽垣壞址草色依依徘徊亭上感而長歌曰古人別離  
增悲悲今人別離多吁歲古今人物自遷變唯有別離  
無盡期南山戡峨在天半瀾水鳴鳴流不斷應見古今  
別離人一番纔去一番新落日危亭悄無語覽今念古  
堪傷神歌畢因命筆書之復存其數古之意載之篇首  
刻石立于亭中命曰長樂亭記

綠野亭新說曰綠野亭在武功縣張氏懿族也也有園在  
縣之西南隅慶曆中自叔美君築亭於其園名曰綠野以  
為游息之所後橫渠先生過而悅之乃寓居以講學士大  
夫從之者甚衆由是亭名益重後歲久弗葺賢士大夫  
登其亭而憫焉此橫渠先生講學士處忍使廢之族人  
復增飾之紹聖三年張瓘中為之記政和改元重陽日  
承事郎知京兆武功縣事劉幹立石

流杯亭新說曰興慶池北衆樂堂後有宋太尉張金紫所  
構流杯亭砌石成風字樣曲水流觴以為祓禊宴樂之  
所傍有禊宴詩碑

園

僊桃園漢書武帝元封三年七月七日西王母降于承華  
殿母出桃七枚自啖其二以五枚與帝帝留核種之於  
僊桃園今長安縣苑西鄉有仙桃園

戾后園漢書戾太子史丹弟也宣帝祖母悼皇考母也遇  
害宣帝即位號戾后改葬長安白亭東為戾后園

逍遙園姚興如逍遙園引諸沙門于澄玄堂聽鳩摩羅什  
演說佛經又逍遙宮姚興時殿庭左右有樓各高百尺  
相去四十丈以麻繩大圓兩頭繫樓正會曰二人各從  
樓內出相逢繩上過新說曰逍遙園金圭峰草堂是也

芳林園武成二年三月明帝會羣臣於芳林園

流杯園在未央宮北有漢代舊址

明水園在漢故城內未央宮北

梨園舊園在通化門外正北禁苑之南中宗令諸學士自

芳林園入集於梨園毬場分朋拔河文宗幸左軍因幸

梨園又唐書曰太宗欲聞古樂命太常卿王涯取開元時

雅樂還樂章按之名曰雲韶樂樂曲成涯與太常丞

李廓獻於梨園亭帝按之于會昌殿又天寶故事華清

宮驪山上亦有梨園明皇選宮人為梨園弟子製梨園

雅曲

樂遊園在京城清龍坊有宣帝樂遊廟基址開元天寶遺

事明皇同二相以下宴樂遊園賜詩曰拱日巖廊起需

雲宴樂初万方朝玉帛千品會簪裾地入南山近城分

北斗餘林塘垂柳密原隰野花踈帶幕看餘暗歌鐘曉  
自虛興闌歸去後還奏弼危書左相張說以下各有賜  
芙蓉園長安志云在曲江之西南舊名曲江國隋文帝改  
為芙蓉園即秦之宜春苑之地乃唐之南苑也杜詩城上  
春雲覆苑牆芙蓉別殿謾燒香王建三臺詞曰魚藻池  
邊射鴨芙蓉園裏看花日色赭黃相似不著紅鸞扇遮  
杏園城南記杏園在慈恩寺正南唐進士宴集於此會要  
曰太中元年勅今後放新進士榜依舊宴於杏園所司  
不得禁制唐人尤貴進士開元天寶之盛新進士以泥  
金帖子附家書中用報登科之喜而鄉曲親戚例以聲  
樂相慶謂之喜信劉禹錫詩曰禮闈新榜動長安九曲  
人人走馬看一日聲名滿天下滿城桃李屬春官張籍  
贈劉郎中詩曰怪君把酒空惆悵同是貞元花下人自



別花來多少事春風二十四回春賈島下第詩曰下第  
唯空囊如何住帝鄉杏園啼百舌誰醉在花傍淚落故  
山遠病來春草長知音逢豈易孤棹負三湘又唐天下  
第詩云十載長安未是安杏花常是看人看

櫻桃園唐實錄中宗遊櫻桃園令五品已上嘗櫻桃

葡萄園景龍文館記中宗召近臣騎馬入櫻桃園馬上口

摘櫻桃遂宴東蒲萄園奏以宮樂

奉誠國司徒兼侍中馬燧宅在安邑里燧子少府監暢以  
貲甲天下暢亦善殖財貞元末神策中尉楊志康諷使  
納田產遂獻舊第為奉誠園

## 街市里第

街

八街九陌三輔舊事曰長安城中八街九陌張衡西京賦  
曰觀其城郭之制則旁開三門參塗夷庭方軌十二街衢  
相經厘里端直薨宇齊平

華陽街漢書曰丞相劉屈氂妻弟首華陽街

章臺街漢書曰京兆尹張敞無威儀罷朝走馬會章臺街  
衛瓊曰在長安建章臺下街也

香室街郡國志曰雍州司天臺西北有香室街又曰夕陰  
街在右扶風南

夕陰街 尚冠街三輔黃圖有夕陰街尚冠街

太常街在長安城門中東有漢高帝廟

藁街漢書曰陳湯斬郅支王首懸於藁街師古曰街藁街  
名蠻夷即在此中

市

九市廟記曰長安市有九所各方二百六十六步六市在道西三市在道東四里為一市凡九市致九州之人在突門夾橫橋大道又曰旗亭樓在杜門大道南又有當市樓張衡西市賦曰廓開九市通關帶闌旗亭五重府察百隧

四市漢書劉屈氂傳曰太子引兵去毆四市人已數万衆至長樂西闕下又百官表內史長安四市四長丞皆屬焉柳市漢書長安熾盛街闕各有毫俠万章在城西柳市師古曰漢宮闕疏云細柳倉有柳市唐國志曰長安大俠万子夏居柳市司馬市主卜於東市西市在醴泉坊隋曰利人市直市在富平津西南十五里即奏文公所造物無二價故以直市為名

東市漢書曰晁錯斬東市

西市惠帝六年六月起長安西市

直市 交門市在渭橋北

孝里市在雍門東 交道亭市在便橋東

里

尚冠里三輔黃晷曰長安閭里百六十潘岳西征賦曰尚

冠脩成黃棘宣明建陽昌陰北煥南平李善曰皆里名  
漢宣帝舍長安尚冠里又霍光第門自壞兄孫雲尚冠  
里宅中門亦壞又曰武帝同母姨金玉孫女號脩成君  
餘未詳

脩成禮 黃棘里 宣明里 建陽里 昌陰里 北煥里

南平里並見上

戚里高祖召石奮姊為美人徙其家長安中戚里師古曰  
於上有姻戚故名其里為戚里

函里在長安西出南頭第三門  
大昌里列女傳節女長安大昌里人

第

楚王卬王莽加九賜以楚王卬為安漢公第

蕭何第漢書曰蕭何置田宅必居窮僻處王莽號安漢公

以故蕭相國甲第為安漢公第

北帝惠帝賜夏侯嬰北第一曰近我以尊異之師古曰北

第者近北關之第嬰最第一也

霍光甲第贈霍光甲第一區音義曰有甲乙次第故曰第

王根第曲陽侯王根火治第室起土山漸臺洞門高廊閣

道連屬彌望百姓歌之曰五侯初起曲陽最怒壞決高

都連竟外杜土山漸臺象西白虎其奢僭如此成帝微

行見園中土山漸臺以類白虎殿上怒責問司諫校尉

京兆尹知根駱奢僭上亦墜青瑣附縱不舉奏

王商第成都侯王商穿長安城引內豐水注第中大陂以  
行船立羽蓋張周帷輯濯越歌成帝幸商帝見穿城引  
水意恨內銜之

董賢第哀帝詔將作大匠為賢起大第北闕下重殿洞門  
木土之功窮極技巧柱檻衣以綈錦又并合三第尚以  
為小腹壞暴室師古曰師以三第總為一第賜賢猶嫌  
狹小復取暴室之第以增益之

類編長安志卷之四

# 類編長安志卷之五

京兆路儒學教授駱天驤編集  
開成路儒學教授薛延年校正

## 寺觀

寺

大慈恩寺三輔會要隋無漏寺之地武德初廢貞觀二十  
二年高宗在春宮為文德皇后立為寺故以慈恩為名  
乃選林泉形勝之所寺成高宗親幸佛像幡華並從宮  
中所出太常九部樂送額至寺寺南臨黃渠水竹森邃

為京都之最西陽雜俎寺凡十餘院總一千八百九十七  
間勅度三百僧初三藏玄奘自西域來詔太常卿江夏  
王道宗設九部樂也像入寺緣車凡十餘兩上御安福  
門觀之太宗嘗賜三藏衲直百餘金其鍼縫工無之迹  
殿庭大安羅樹大曆中安西進其木捨賜此寺四極概  
皆灼因其木火德行逢自種之一株不活寺西院浮圖  
六級崇三百尺永徽二年沙門玄奘所立初唯五層一  
百九十足塼表土心倣西城窠渚度初治以立四域之  
象后浮圖心內世永錯出漸以頽之長安人中立圻改  
依冬下剎表白式特崇於前有辟夫佛牙大如升光采  
煥爛浮圖下東立太宗皇地選三個人聖教序及高宗  
皇帝述至帝記二碑並褚遂良書中和中書舍人李昉  
史普進士既列名于慈恩寺塔之曰題名甫社杜司人



公登慈恩寺塔詩曰高標跨蒼天烈風無時休自非曠  
士懷登茲翻百憂方知象教力足可追冥搜仰穿龍蛇  
窟始知枝撐幽七星在北戶河漢啼西流羲和鞭白日  
少異行清秋秦山絳忽破碎湮渭不可求俯視但一氣  
馬能辨皇州回首叫虞舜蒼梧雲正愁惜我瑤池飲日  
晏崑崙丘黃鵠去不息哀鳴何所投君看隨陽雁各有  
稻梁謀又章八元詩十層突兀在虛空四十門開面面  
却訝鳥飛平地上自驚人語半天中回梯暗踏如穿洞  
絕頂初攀似出籠落日鳳城佳氣合滿城春樹雨濛濛  
大安國寺大唐遺事齊宗在藩舊宅景雲元年立為寺以  
本封安國為名憲宗時吐突承璀盛營安國寺欲使李  
絳為碑文絳不肯撰後寢摧圯宣宗欲復修未克而崩  
咸通七年以先帝舊服御及孝明太皇太后金帛俾左

神策軍再建之酉陽雜俎曰紅樓睿宗在藩時造元和  
中廢宣上人住此院有詩名時號為紅樓集

大

興善寺初曰遵善寺隨文承周武之後太宗釋氏以牧  
人望移都先置此寺以其本封名焉神龍中韋庶人追  
贈父玄奘為鄴王改此寺為鄴國寺景雲元年復舊  
酉陽雜俎曰寺取大興靖善二坊名一字為名不虛三藏  
塔前多老松歲早時官伐其枝為龍骨以祈雨蓋以三  
藏役龍意其枝必有靈也東廊素和尚院庭有桐四株  
元和中卿相多遊此院相至夏有汗汗人衣如黥脂不可  
浣招國鄭相惡其汗謂素曰弟子為伐此樹各植一松也  
及暮素戲祝曰我種汝三十餘年汝以汗為人所惡來歲  
若復有汗我必薪之自是無汗素公不出院轉法華經  
三萬七千部夜常有格子聽經齋時烏鵲取掌中食天王

閭長慶中造本在春明門內與南內連牆其形高大為天下之最大和二年勅移就此寺拆時腹中得布五百端漆數千箇寺殿崇廣為京城之最號曰大興佛殿治之與太廟同之章二年火焚之更營建又廣于前十二畝之地大莊嚴寺在永陽坊隋初置宇文氏別館於此坊仁受三年文帝為獻后立為禪定寺宇文愷以京城之西有昆明池地勢微下乃奏於此寺建木浮圖崇三百二十尺周回一百二十步大業七年成武德元年改為莊言寺天下伽藍之盛莫與為此寺內有佛牙長三寸宋時沙門法獻從烏鹽國取以歸預章王東自楊州持入京隋文令置此寺大中六年改聖受寺

崇聖寺在崇德坊寺有二門西門本濟度尼寺隋秦孝王俊舍宅所立東門本道德尼寺隋時立至貞觀二十三

年徙濟度寺於安業坊之修善寺以其所為靈寶寺盡之  
度太宗嬪御為尼以處之徙道德寺額於休祥方之大  
原寺以其所為崇聖宮以為太宗別廟儀鳳二年併為  
崇聖僧寺輦下歲時記進士櫻桃宴在崇聖寺牙間上  
保壽寺西陽雜俎曰翊善坊保壽寺本高力士宅天寶九載  
舍為寺初剏重成力士設齋慶之舉朝必至一已百十  
有規其意連已二十杵經藏閣規構危巧二巷火朱授  
十余斛河陽從事李琢性好奇古與僧善嘗俱至此寺  
官庫中樞物忽於破美中得物如被幅裂汙坐竹而陳  
起琢余視之乃盡也因以州縣書三及第三十從之令  
家人裝治大十余失方於常符公之云方知張宣所尺  
石喬岳也玄宗賜力士因畱寺中后為輦盡人宗牧言  
於左軍方有小便領軍卒二十人至宅宣勅取之即日

進入文宗好古見之大悅命張於雲韶院

章敬寺大曆元年作章敬寺于長安之東門總四千一百三十餘間四十八院內侍魚朝恩請以通化門外莊為章敬皇后立寺故以章敬為名代宗實錄曰是莊連城對郭林沼臺榭形勝第一朝恩初以恩賜得之及是造寺窮極壯麗以為城市村木不足充費乃奏壞曲江亭館華清宮觀風樓及百司行廨并將相沒官宅給其用焉土木之役僅逾萬億會要曰因圻哥舒翰宅及曲江百司堂室及華清宮之觀風樓造焉

報聖寺在興寧坊東觀奏記宣宗出內藏緡帛建大中報聖寺奉憲里聖容曰介福殿又以休憩之所為虔思殿由複道出造于寺

興福寺在修德坊本右領軍大將軍彭國公王君廓宅貞

觀八年太宗為太穆皇后追福立為弘福寺神龍中改

北有果園復有萬花池二所太宗時廣召

天下名僧居之沙門玄奘於西域回居此寺西北禪院

翻譯寺內有碑面文賀蘭敏之寫金剛經陰之寺僧懷

仁集王羲之寫太宗聖教序及高宗述聖記為時所重

政要元和十二年詔築夾城自雲韶門過芳林門西至

修德坊以通興福佛寺

大薦福寺在開化坊寺院半以東隋煬帝在藩舊宅武德

中賜尚書左僕射蕭瑀而為園後瑀子銳尚襄城公主

詔別營主第主辭以姑婦異居有乖禮則因固陳請乃

取園地充主第又辭公主榮戟不欲異門乃併施瑀之

院門裏城薨後官市為英主宅文明元年高宗崩後百

日立為大獻福寺度僧二百人以實之天授元年改為

薦福寺中宗即位大加營飾自神龍以後翻譯佛經並  
於此寺東院有放生池周二百餘步傳云即漢代澤  
池陂也南至浮圖院門北開正與寺門隔街相對景龍  
中官人率錢所立

楚國寺在進昌坊本隋興道寺之池大業七年廢高祖起  
義并州第五子智雲在京為隋留守陰世師等所害後  
追封為楚哀王因此立寺水竹幽靜類於慈恩西陽雜  
俎曰寺內楚哀王身金銅像哀王繡襖半袖猶在長慶  
中賜織成雙鳳夾黃襖子鎮在寺中門內有放生池太  
和中賜白氍黃袴衫

招福寺在崇義坊乾封二年睿宗在藩立本隨正覺寺寺  
南北門額並睿宗所題西陽雜俎曰正覺寺國初毀之  
以其地立第賜諸王睿宗在藩居之乾封二年移長寧

公主佛堂重建此寺長安二年內出等身金銅像一鋪并九部樂南北門額上與歧薛二王親送至寺綵乘象輿羽衛四合街中餘香數日不散景龍二年詔寺中別建聖容院是睿宗在青宮真容也先天二年勅出內陣錢二十萬巧匠一千人重修之寺在崇義坊

資聖寺在崇仁坊本太尉趙國公長孫無忌宅龍朔三年為文德皇后追福立為尼寺咸亨四年改為僧寺長安三年七月火焚之灰中得經數部不損一字百姓施捨數日之間所獲巨萬遂營造如故寺額申州刺史殷仲容所題楷法端妙京邑所稱西陽雜俎曰淨土院門外相傳吳生一夕秉燭醉盡就中戟手視之惡駭院門裏盧稜伽畫盧常學吳勢吳亦傳以手訣乃畫惣持三門寺方半吳大賞之謂人曰稜伽不得心訣用思大苦其



能久乎果盡畢而卒

光宅寺在光宅坊儀鳳二年望氣者言此坊有異氣勅令掘得石函函內有佛舍利骨萬餘粒遂立光宅寺武太后始置七寶臺因改寺額焉西陽雜俎曰寶臺甚顯登之四極眼界其上層窓下尉連畫下層窓下吳道玄畫皆非其得意也亦相韋處厚自居內庭丞相位每歸輒至此塔焚香瞻禮普賢堂本天后梳洗堂

淨域寺在宣陽坊西南隅隋文帝開皇五年立恭帝禪位止於此寺薨焉西陽雜俎曰本太穆皇后宅寺僧云三階院門外是神堯皇帝射孔雀雲佛殿內西座蕃神甚古質貞元已前西蕃兩度盟皆載此神立于壇而誓相傳當時頗有靈按此寺興造與韋述記不同

崇濟寺在昭國坊西南隅本隋慈恩寺開皇三年魯郡夫

人孫氏所立貞觀二十三年以尼寺與慈恩僧寺相近而勝業坊甘露尼寺又比於崇德僧寺勅換所居為本弘字神龍中改西陽雜俎曰寺內有天后織成蛟龍被襪子及繡衣六事

玄法寺在安邑坊街之北本隋禮部尚書張顗宅開皇六年立為寺西陽雜俎曰安邑坊玄法寺者本里人張顗宅顗嘗供養一僧僧念法華經為業積十餘年張門人讚僧通其侍婢因以佗事故之僧死後闔宅嘗聞經聲不絕張尋知其冤慙悔不及因捨宅為寺

寶應寺在道政坊代宗實錄與會要曰本王縉宅縉為相溺於釋教妻李氏實妻也大曆四年以疾請捨宅為寺代宗嘉之錫以題號每有節度使至輒諷令出錢助之西陽雜俎曰韓幹藍田人少時常為酒家送酒王右丞

兄弟未遇每貰酒漫遊幹嘗微債於王家戲盡地為人  
馬右丞精思丹青其意趣乃歲與錢二萬令軟畫十  
餘年今寺中釋梵天女悉齊公妓小小等寫真也寺弥  
勒殿即齊公寢堂

青龍寺在新昌坊本隋靈感寺開皇二年立文帝移都徙  
掘城中陵墓葬之郊野因置此寺故以靈感為名至武  
德四年廢龍朔二年城陽公主復奏立為觀音寺初至  
疾甚有蘇州僧法朗誦觀音經乞願得愈因名馬景  
雲二年改為青龍寺北枕高原南望爽塏為登眺之美  
靜法寺在延康坊東南隅隋開皇十年左武侯大將軍陳  
國公竇杭所立寺門拆抗宅榮戟門所造西院有木浮  
圖抗第礎為母成安公主建重疊綺麗崇一百五十尺  
皆伐抗園梨木克用其園本西魏大統寺周武帝廢佛

教以其寺賜抗為宅焉

雲經寺在懷遠坊東南隅本名光明寺隋開皇四年文帝  
為沙門法經所立時有延興寺僧曇延因隋文帝賜以塋  
燭自燃發燭隋文帝之將改所位寺為光明寺曇延請  
更立寺以廣其教時此寺未制名因以明為武太后初  
幸此寺沙門宣政進大雲經經中有女主之符因改為  
大雲經寺遂令天下每州置一大雲經寺此寺當中西  
閼索百尺時人謂之七寶臺寺內有二浮圖東西相值  
東浮圖之北佛塔號三絕塔隋文帝所立塔內有鄭法  
輪田僧亮楊契丹畫跡及巧工韓伯通塑作佛像故以  
三絕為名

總持寺在永陽坊隋大業七年煬帝為文帝所立初名大  
禪定寺寺內制度與莊嚴寺正同武德元年改為總持

寺莊嚴總持即隋文獻后宮中之號也寺中常貢梨花  
宴景龍文館記曰隋主自立法號稱總持呼蕭后為莊  
嚴因以名寺

菩提寺在南平康坊隋開皇二年隴西公李敬道及僧惠  
英所奏立寺西陽雜俎曰寺之制度鍾樓在東惟此寺  
緣李右座宅在東故建鍾樓於西寺內有郭令琬瑁鞭  
及郭王夫人七寶帳大中六年改為保唐寺

開元寺在府城草場街北景風街南中有大殿乃祝  
聖為壽戒壇後殿乃開元皇帝御容兵後僅存北三門  
戒壇御容等殿其餘堂殿皆南三門皆後毀至元辛卯  
璵公講主重建南三門其山亭青龍興國定光隆興壽  
聖泗州皆開元房廊院也

福昌寶塔院在其東三門面西其中覺皇大殿後法堂壁

賢僧正畫上懸祇應侍詔畫福昌寶塔牌額次後五教  
三乘甚深法藏東西觀音大悲畫平陽賈家雕造皆巧  
絕一時兵後唯此院完全

太平興國寺在府城九耀街宋太平興國年建寺推顏佑

呼九耀寺

香城寺在本府草場街乃宋善感禪院內有經藏

大元甲辰歲八月火災焚毀止存大悲殿東殿前三門  
金剛乃汾州別名塑尚存宋駙馬王詵題詩不列香城  
二十年長松怪柏憶森然身留絳闕鄉關香千里唯將  
夢寢傳

卧龍寺在本府草場街宋龍泉院也前三門乃汾州別所

塑善神嚴毅號為奇絕

安衆禪院在本府後庭街本冠萊公花園熙熙亭後捨為

寺中有萊公祠堂前立詩刻俗呼西禪院

崇聖禪院在府城水池街中有毗盧閣上有吳說書十方

崇聖院額兵後湮沒俗呼經塔寺

香嚴禪院在水池街宋時修建正殿龍巖任詢君謀所書

香嚴禪寺碑尚在

廣教禪寺在指揮西街宋時修造舊有大鐘經樓規置甚

大置辛卯兵火焚盡

天寧寺在指揮東街北亦是大寺中有李商隱三教贊僧

夢英篆書碑猶存

慶壽寺在蓬萊坊街西殿堂幸存

資聖院在景風街南舊名興國院金國改資聖院

仁王院在景風街北乃薦福寺下院中有臨壇大戒薦福

寺德律師碑唐韓擇水八分書史惟則篆額碑尚存

開福寺在舍光街西宋日創建至元十年僧統王公重修  
杜光寺在城南杜光村俗呼為杜光寺本唐義善寺貞觀  
十九年建蓋杜順禪師所生之地順解華嚴經著法界  
觀居華嚴寺證圓寂大師坐化肉身連環靈骨葬樊川  
華嚴塔至今呼樊川為華嚴川長興中王仁裕題詩曰  
上闕高僧更不疑夢乘龍駕落沉輝寒暄暈映瑠璃殿  
曉夜摧殘毳衲衣金體幾生傳有漏玉容三界自無非  
莓苔滿院人稀到松畔香臺野鶴飛

香積寺城南記張注曰乃唐永隆二年建石像尚多太平  
興國三年改為開利寺交水在香積寺之西南舊有香  
積堰水入城中泚賊之亂壞龍首香積二堰以次其流  
龍首復流香積堰廢中有萬回塔塼中裂據記沙門玄  
裝嘗遊西竺有寺空一室問其人是僧方生中國其疏



萬回蓋自此而往者萬回矣萬回言語悲喜不嘗如狂者所為多異高宗延之禁中中宗號之玄通大居士封法靈公玄宗為營居室于醴泉里後追贈司徒封號國公開元二十五年万回弟子妙門還源建塔立碑澄襟院城南記唐左街僧錄通覺大師智慧輪之院也在萬年縣孫村殿前後庭中有凌霄花八栢樹引北嶺泉架竹落庭注石盆螢澈可挹使人不覺忘慮

華嚴寺在樊川孫村之西有華嚴塔有東閣為登眺遊勝之所張茂巾詩曰迢迢雲外寺飛閣倚晴空秋靜門常閉苔深路不通寒山千里翠霜木萬家紅誰問林居士幽窓生暮風孟郊登華嚴寺樓望南山贈林校書兄弟詩有青蓮三居士盡景實真同

興教寺樊川興教寺總章三年建有玄裝慈恩西明三塔

三藏差高蒲人胡子金詩曰白塔月移山宇影青松風  
唱海潮音

龍泉寺城南記龍泉寺直玉索之北孟郊詩云鳥飛不到  
虛僧房繞山巔龍在水常碧雨開山更鮮步出白日  
上坐依清溪邊地硤松桂頽及險道遂偏晚磬送歸客數  
聲落遙天今龍池二塔尚在

三像寺張注曰三像寺開元建倚北原高數百人寺依坡  
刻三大像故曰三像寺貞順皇后墓在彼為守墳寺姚  
嗣宗題詩曰朝遊南山南暮宿北岡北安心虎豹穴垂  
耳龍蛇谷稻鋪韋曲碧水鎖樊川黑行盡大和鄉似得  
非所得

圓光寺辨疑志曰長安城南六十里終南山入谷五里有  
惠炬寺緣崖側上山一十八里至峯謂之靈應臺臺上

置塔塔中觀音鐵像是六軍散將安太清鑄造應臺并

下院九霞並在終南山上俗呼為南五臺

翠微寺本唐太和宮貞觀二十一年改翠微宮後廢元和中

改為翠微寺詩云翠微寺本翠微宮樓閣亭臺幾十重

天子不來僧又去樵夫時倒一株松

百塔興教禪院在長安城南御宿川梗梓谷口本唐信行

禪師塔院唐大曆二年連慕信行者皆定於信行塔之

左右謂之百塔

草堂禪寺長安志在御宿川圭峯下本姚興草堂遺遙園

鳩摩羅什譯經是園什死焚之其舌不壞塔今存焉其

徒僧肇著肇論唐圭峯禪師於此著禪源諸詮

重雲禪寺在御宿川圭峯直北本五代王彥超捨宅為寺

靈感寺在長安縣御宿川濃河東岸江留村唐宣律師修

行持律處有淨土壇開四門八牕景龍中建殿閣皆存

宋改為大寧寺

三會寺長安志云在長安縣官張村中有蒼頡造字臺景

龍中中宗幸其寺有詩群臣唱和

石甕寺南京道記云本福嚴寺在驪山華清宮東半山下

有石甕谷故名之開元中造華清宮餘材修繕佛殿中

有玉石像幽州所進精巧無比叩之如磬餘像皆楊惠

之所塑脫空像皆元仵兒製能妙纖麗曠劫無倚紅樓

在佛殿之西崑下臨絕壁樓中有玄宗題詩真草八分

每体一篇有五維畫山水兩壁

保慶寺在萬年縣北通政坊唐景龍中建五代焚毀盡唯

舍利塔巋然獨存中統改元僧錄忠公率其徒重修不

數年殿堂廊廡塔之纏腰煥然再新

法壽尼寺在開化坊隋開皇六年立

資敬尼寺在永樂坊內橫街之北隋開皇三年大保薛國

公長孫覽為其父立

崇敬尼寺在靖安坊西南隅本僧寺隋文帝所立大業中

廢龍朔二年高宗為長女定安公主薨後改立為尼寺

修慈尼寺在勝業坊街北之西本弘濟僧寺隋開皇七年

立貞觀二十年以與甘露尼寺相近初自昭國坊換之

甘露尼寺同上隋開皇五年立

法雲尼寺在宣平坊西南隅隋開皇三年太傅鄭國公韋

孝寬所立初名法輪寺睿宗升儲改法雲寺景龍二年

韋庶人改翊聖寺景雲元年復舊

龍華尼寺在昇道坊西北隅高宗立尋廢景龍二年復置

法界尼寺在豐樂坊西南隅隋文獻皇后為尼華暉令容

所立有連階隻浮圖各崇一百三十尺

資善尼寺在安業坊西南隅隋蘭陵公主捨宅立

濟度尼寺在安業坊東南隅隋太師申國公李穆之別宅

穆妻元氏立為修善僧寺其濟度尼寺本在崇德坊水

微中置宮乃徙於此其額太子少詹事殷令名所題

興聖尼寺在通義坊西南隅高祖龍潛舊宅武德元年以

為通義宮貞觀元年立為寺

萬善尼寺在休祥坊東南隅本在故城中周宣帝大象二

年置開皇二年移於此盡度周氏皇后嬪御以下千餘

人為尼以處之

樂善尼寺在金城坊街南之東本命舍衛寺隋開皇六年

尉遲迴孫大師為其祖所立景龍元年改為溫國寺二

年又改為樂善寺

觀

大清真宮在太寧坊禮閣新儀曰開元二十九年始詔兩京  
及諸州各置玄宗皇帝廟一所依道法醮天寶元年正  
月陳王府參軍田同秀上言玄宗皇帝降見于丹鳳門  
之通衢以天下太平聖壽無疆之言傳於玄宗仍告賜  
靈符尹喜之故宅上遣使就桃林縣函谷關令尹臺西  
得之於是置廟於太寧坊東都於積善坊九月改廟為  
太上玄宗皇帝宮二年正月加號大聖祖三月勅西京  
改為太清真宮東都為太微宮諸州為紫極宮十二載二  
月加號大聖祖高上大道金闕玄宗天皇大帝每歲四  
時及臘修朝獻之禮初建廟取太白山白石為真像袞  
冕之服當宸南向玄宗肅宗真容侍立於左右皆朱衣  
朝服宮垣之內連接松竹以像仙居殿十二間四柱前

後各兩階東西各側街一具宮正門曰瓊華東門曰九  
靈西門曰三清御齋院在宮之東公卿齋院在宮之西  
道士雜居其間天寶五載詔刻石為李林甫陳希烈像  
列侍於聖容之側林甫犯事又刻楊國忠之形而磨瘞  
林甫之石及希烈國忠敗又盡毀之八載立文宣王像  
與四真人列侍左右

唐昌觀在安業坊劇談錄曰觀有玉藥花花每發若瓊林  
瑤樹元和中春物方盛車馬尋翫者相繼忽一日有女子  
年可十七八衣綠繡衣垂髻雙環無簪珥之飾容色婉  
婉迥出於眾從以三女冠三小僕僕皆髀髻黃衫端麗  
無比既下馬以白角扇障面直造花所異香芬馥聞於  
數十步之外觀者疑出自宮掖莫敢逼而視之佇立良  
久令小僕取花數枝而出將乘馬過謂黃冠者曰曩有



玉峯之期自此可以行矣時觀者如堵或覺烟飛鶴唳  
景物輝煥舉轡百餘步有輕風擁塵隨之而去須臾塵  
滅望之已在半天方悟神仙之遊餘香不散經月餘時  
嚴休復元稹劉禹錫白居易俱有詩休復曰終日齋心  
禱玉宸魂銷眼冷未逢真不如滿封璫瑤藥笑對藏花  
洞裏人又曰羽車潛下玉龜山塵世何由覩萍蘋唯有  
無情枝上雪好風吹緩綠雲鬟元稹曰弄玉潛過玉封  
時不交青鳥出花枝的應未有諸人覺只是嚴郎卜得  
知劉禹錫曰玉女來省玉樹花吳香先引七香車攀枝  
弄雪時回首驚怪人間日易斜又曰雪簌瑤絲滿院春  
羽衣輕步不生塵君平簾下徒相問長伴吹簫別有人  
白居易曰羸女偷乘鳳去時洞中潛歌弄瑤枝不緣啼  
鳥春饒古青瑣仙郎何得知

玄都觀在崇業坊隋開皇二年自長安故城徙通道觀於此改名玄都東與大興善寺相比初宇文愷署都以朱雀街南北盡郭有六條高坡象乾卦故於九二置宮殿以當帝主之居九三立百司以應君子之數九五貴位不欲常人居之故置此觀及興善寺以鎮之劉禹錫元和十年自朗州承召至京戲贈看花諸君子詩曰紫陌紅塵拂面來無人不道看花回玄都觀裏桃千樹盡是劉郎去後栽又再遊玄都觀絕句曰余貞元二十一年為屯田員外郎時此觀未有花是歲出牧漳州貶朗州司馬居十年召至京師人人皆言有道士手植仙桃滿觀如紅霞遂有前篇以志一時之事旋又出牧今十有四年復為主客郎中重遊玄都蕩然無復一樹唯兔葵燕麥動搖於春風耳因再題二十八字以俟後遊時大和

二年三月日百畝中庭半是苦桃花淨盡菜花開種桃道士埽何處前度劉郎今又來

興唐觀在長樂坊西南隅本司農園地開元十八年造觀其時有勅令速成之遂拆興慶宮通乾殿造天尊殿取大明宮乘雲閣造門屋樓白蓮花殿造精思堂屋拆甘泉殿造老君殿元和分年命中尉彭忠獻帥徒三百人修興唐觀賜錢千萬使壯其舊制其觀北拒禁城因是開複道為行幸之所以內庫絹千疋茶千斤為夫役之賜莊宅錢五十萬雜穀千石克修齋醮之費

乾元觀在長興坊代宗實錄曰大曆十三年七月以經原節度使馬璘宅作乾元觀置道士四十九人其地在皇城西南長興里璘初創是宅重價募天下巧工營繕屋宇宏麗冠絕當時璘臨終獻之代宗以其當王城形勝之

地塙宇新潔遂命為觀以追遠之福上資肅宗加乾元  
觀之名乾元肅宗尊號也然則與德宗錄之言相戾  
白鹿觀新說曰在臨潼西南一十里驪山中本驪山觀中有  
老子昇天臺有蟾并芻蘭食肉之得仙唐高祖武德七  
年幸溫泉宮傍觀川原見白鹿遂改觀曰白鹿宋加封  
神德洞天有白鹿書院陳希夷所撰碑具載其詳  
太玄觀兩京道記唐武德二年置在驪山溫泉宮畔開元  
二十七年以宮塙逼近乃令諫議大夫道士尹愔徙之  
宮北一里

樓觀宗聖宮新說在盤屋縣東南三十五里本尹喜宅也  
樓觀內傳云周康王時喜為大夫嘗於此結草為樓觀  
星望氣見紫雲西邁求為函谷關令遇老君迎歸是第  
說道德五千文授之穆王西巡為召幽逸之人置為道

士相承至秦漢有道士居之唐武德初易名宗聖觀宋  
端拱三年詔改為順天興國觀金李廢燬

大元撫定後同慶真人李志柔重建殿閣森列後還舊  
觀中統元年朝命復改今名

太平

興國宮新說曰在縣東三十里終南鎮鎮志曰清平  
縣其後又置終南縣宋太平興國二年建翔聖保

德傳云建隆初翔聖真君降於鰲屋張守真家言於空

中神音清朗令守真為道士授以九壇三劍之法俾佐

國極民太宗太平興國中卜地築宮於終南鎮遣中使

出內帑作宮千柱以安景靈每三元聖節命使設醮歲

以為常茂木成林飛鳥不敢棲止金末廢於兵燹

大元開創後純德妙成真人劉志源奉清和宗師命率

徒自瀘淵來篤意興復經營締構垂二十年殿宇葺飛

道風後振其修建視昔雖未全備規撫宏麗亦為諸方琳宇之冠

清都觀在咸寧縣東永樂坊隋開皇七年道士孫昂為文帝所重常自問道特為立觀本在永興坊武德初徙於此地本隋寶勝寺

回元觀在咸寧縣親仁坊即安祿舊宅見津陽門詩山

太真觀在咸寧縣安邑坊天寶五載貴妃姊裴氏請捨宅置太真女觀寶應元年與肅明觀換名焉

光天觀咸寧縣務本坊景龍三年韋庶人立為翊聖女冠觀景雲元年改景雲觀天寶八載改為龍興道士觀至德三載改先天觀

華封觀在咸寧縣興寧坊天寶六載驃騎將軍高力士捨

清虛觀在咸寧縣豐邑坊隋開皇七年文帝為道士呂師  
玄所立師玄碑殺練氣故以清虛名之

太一宮長安舊志云在府南七十里太一谷漢武帝元封

初終南山巨谷間雲氣融結隱然成象帝勅於此建太一  
宮种放作記具道其詳宮內亦有陳希夷所撰碑

重陽宮新說曰在終南縣劉蔣村金正隆間王祖師監甘

河鎮酒過仙於此掘活死人墓成道時門人創建堂殿

號曰祖師菴大元庚子門徒道衆會葬祖師重陽真人

重加興建殿閣樓臺燦然一新為闕右之奇觀名曰重

陽宮紫陽先生詩曰終南佳處小壺天教起全真自此

傳道紀宏開山色裏通明高聳日華邊南連地肺花浮

水西望經臺竹滿烟氣愛雲牕無事客寂然心月照重玄

遇僊宮新說曰在終南縣甘河鎮昔重陽王祖師為是鎮

酒監有披氍裘二先生索酒日以為常一日氍裘二仙  
生邀祖師飲于甘河岸上以瓢酌甘河之水果良酒也  
飲醉得道門人於此建遇仙宮商左山題詩日子房志  
亡秦曾迎橋下屨佐漢開鴻基屹然天一柱要伴赤松  
遊功成拂衣去異人與異書造物不輕付重陽起金真  
高視仍闊步矯矯英雄姿乘時或割據妄跡復知非收  
心活死基人傳入道初二仙此相遇于今終南下殿閣  
凌烟霧我經大患餘一洗塵世慮中車僊西歸擬借茆  
屋住明月清風前曳杖甘河路紫陽先生詩曰一飲甘  
河万事休喚回蝴蝶夢莊周口傳銘永五篇訣神取雲  
龍八極遊寰海玄風開汨客遇仙清迹想霓裳百年更  
有何人酌人自無緣水自流

玉清宮新說曰在府城掖庭街本宋祐德觀大元庚子重修



改為玉清宮

靈應觀新說曰在府城市北街宋迎祥觀大元丙子始改為靈應宮

玄都宮新說曰在府城景風街金國軍營兵後創建為玄都觀至元甲子後修建三清通明大宗等殿虛皇壇遠近三門榜曰玄都萬壽宮

玄都壇新說曰在終南山漢武帝築三秦記長安城南有谷通梁漢者號子午谷入谷五里有玄都壇天寶年元逸人隱道士也有神仙術杜甫作詩以贈云故人昔隱東蒙峰已佩舍景蒼精龍故人今居子午谷獨在陰崖結茆屋屋前太古玄都壇青石漢漢常風寒子規夜啼山石裂王母畫下雲旗飄情知此計誠長往芝草琅玕日應長鐵鎖高岳不可攀致身福地何蕭爽

玉虛觀新說曰在廣濟北蓬萊坊乃唐北極真武廟也有王坦之書真武殿額猶在金朝勅賜玉虛觀大元庚寅

道士崔志玉重修立碑

朝元觀新說曰在本府指揮街本隋宇文愷封安平公祠堂墓誌猶嵌于壁金國勅賜朝元觀

永昌觀新說曰在廣濟街本神農皇帝祠金國勅賜永昌

廟觀

延祥觀新說曰本太白現聖侯廟元在春明門韓建廢外

郭築新城移於此金勅賜延祥觀在府東南隅紫陽詩

曰長庚誰遣降精魂氣應潛龍道自存玄女式中消日月春明門外轉乾坤諸王決計戡多難睿主應期明即至尊天已歸星赤後後遺風猶記老人村

嘉祥觀新說曰在府城東北隅本城皇廟金勅賜嘉祥觀

靈泉觀按明皇雜錄貞觀六年太宗幸驪山溫泉治湯所  
改為溫泉宮天寶四載大加修飾置會昌縣百司邸第  
改華清宮玄宗每歲十月幸溫泉歲盡而歸置巢冠之  
亂宮廢晉天福六年賜道士居之勅賜靈泉觀

太古觀在崇仁坊本唐玄真觀之地至元乙亥歲太古真  
人門弟潘道錄創建景陽殿北極殿藥上靈官齋厨廊  
廡煥然一新門枕清流竹木鬱然清幽可愛不思其祖  
號曰太古觀

昊天觀在保寧坊貞觀初為晉王宅顯慶元年為太宗追  
福立為觀高宗御書額并製歎道文

萬安觀在平康坊天寶七載承穆公主出家置觀其地本

梁國公姚元崇宅

嘉猷觀在平康坊明皇御書金字額以賜李林甫奏女為

觀主觀中有精思院王維鄭虔吳道子皆有畫壁林甫

咸

宜觀在觀仁坊西南隅肅宗在藩之弟明皇升極於此

開元初置昭成肅明二皇后廟謂之儀坤廟睿宗升遐

昭成遷入太廟而肅明留於此開元二十二年肅明皇后

亦附入太廟遂為肅明道士觀寶應元年咸宜公主入

宗

道觀在永崇坊本興信公主宅賣與奴南節度使郭英

又其後入宮大曆十二年為華陽公主追福立為觀

新

昌觀在崇業坊天寶六載新昌公主因駙馬都尉蕭

卒奏請度為女冠遂此觀

福

唐觀在崇業坊本新都公主宅景雲元年公主生子武

仙宮出家為道士立觀

開元觀在道德坊本隋秦王浩宅武后朝置永昌縣神龍  
元年縣廢遂為長寧公主宅景雲元年置道士觀開元  
五年金仙公主居之改為女冠觀十年改為開元觀  
昭成觀在頌政坊西北隅本楊士達宅咸亨元年太平公  
主立為太平觀尋移於大業坊改此觀為太清觀高宗  
御飛白書額至垂拱三年改為魏國觀載初元年改為  
大崇福觀武太后又御飛白額開元二十七年為昭成  
太后追福改立此名  
九華觀在通義坊開元二十八年蔡國公主捨宅立即李思訓  
玉芝觀在延福坊本越王貞宅後乾封縣權治於此又為  
新都公主宅施為新都寺寺廢乃為鄭王府天寶二年  
立為玉芝觀  
五通觀在安定坊東北隅隋開皇八年為道士焦子順所

立子順能驅役鬼神傳諸符籙預告隋文膺命之應及  
即位拜順開府永安公立觀以五通為名旌其神術  
龍興觀在崇化坊東南隅本名西華觀貞觀五年太子承  
乾有疾勅道士秦英祈禱獲愈遂立此觀垂拱三年以  
犯武太后祖諱改為金臺觀神龍元年又改為中興觀  
三年改為龍興觀

玄真觀在崇仁坊西南隅半以東本尚書左僕射申國公  
高士廉宅西北隅本左金吾衛神龍元年併為長寧公  
主第東有山池別院即舊東陽公主亭子韋庶人敗公  
主隨夫為外官遂奏請為景龍觀仍以中宗年號為名  
初欲出費官估木石當二十萬山池仍不為數天寶十  
二載改為玄真觀肅宗時設百高座講

翊唐觀在櫟陽縣栗邑鎮有翊唐觀舊圖經曰昔冠尊師

舉家白日上昇

靈臺觀道里記曰臨潼縣零口鎮有靈臺觀唐天寶中侯

奉睦霞奏置

長生觀新說曰咸寧縣長陽坊有古之長生道院金朝體  
玄大師李大方廣道奉勅投大一湫金龍王簡廻過長  
生道院題詩云長陽鳳嶺可躋攀道院臨高面好山竹  
外烟霞清老眼松軒藥圃豈人間兵後隋廢唯有道堂  
寂照大師白志素與弟道真大師高志隱見其地形高  
爽南望玉案北枕鳳栖乃神仙棲真之所興工修築殿  
堂廊廡咸接松竹為城南勝遊之所長陽坊今俗呼長  
勝坊

至德女冠觀在興道坊西南隅隋開皇六年立

太平女冠觀在大業坊東南隅本宋正元禮宅儀鳳二年

吐蕃入寇求太平公主和親不許乃立此觀公主出家  
為女冠初以頌政坊宅為太平觀尋徙於此公主居之  
其頌政坊觀改為太清觀公主後降薛紹不復入觀西  
有駙馬都尉楊慎交山池本余王元祐之池  
咸宜女冠觀在親仁坊西南隅睿宗在藩之第明皇升極  
於此開元初置昭成肅明二皇后廟謂之儀坤廟睿宗  
升遐昭成遷入太廟而肅明留於此開元二十一年肅明  
皇后亦祔入太廟遂為肅明道士觀寶應元年咸宜公  
主入道與太真觀換名焉  
金仙女冠觀在輔興坊東南隅景雲元年睿宗第八女西  
城公主第九女昌隆公主並出家為女冠因立二觀二  
年西城改封金仙公主昌隆改封玉真公主所造觀便  
以金仙玉真為名武宗會昌中建御容殿於金仙觀宰



相李德裕為贊

玉真女冠觀在輔興坊西南隅本工部尚書韋國公寶誕宅武太后時以其地為崇光府景雲二年為玉真公主作觀此二觀南街東當皇城之安福門西出京城之開遠門車馬往來寔為繁會

三洞女冠觀在醴泉坊西南隅本靈應道士觀隋開皇七年立貞觀二十二年自永崇坊換所居於此

## 廟祠

廟

周文王廟周地圖云文憲王廟在長安縣西北五十里新說曰澧水與渭合處屬咸陽縣元村距陰山地形高爽古廟猶存松柏森然

周武王廟在咸陽縣西北五里

周成王廟在咸陽縣西一十五里

周康王廟在咸陽縣北七里

秦始皇廟在臨潼縣東一十五里新說曰始皇廟在秦始

皇陵北五里會德鄉今石碑尚存

漢高祖廟關中記曰高廟在長安故城安門裏大道東又

曰秦廟中鍾虞四枚皆在高廟漢舊儀高廟鍾十枚受

千石撞之聲聞百里三輔故事高廟四鐘各重十二萬

斤新說曰隋遷都移漢高祖廟於皇城開福門外頒政

坊有題詩曰白帝魂摧鬼母號赤符從此王金刀須知

隆準承克運謾說重瞳是舜苗門外山河非楚漢壁間

冠劍尚蕭曹詩人抱筆渾無用不及當年市井豪置金

貞祐兵焚毀

漢惠帝廟在長安故城高祖廟後

文帝廟號頤城景帝廟號德陽

昭帝廟號徘徊宣帝廟號樂遊

武帝廟號龍淵  
元帝廟號長壽

成帝廟號陽池

唐高祖廟在三原縣東十八里唐朱村新說曰金國拜唐

為祖明昌年重修廟號

唐太宗廟在醴泉縣明昌修崇至元二十年火災

肅宗廟在涇陽縣甘北鎮

宣宗廟在雲陽縣西二十里

後周太祖廟在富平縣西北一十三里

宋開寶九年詔建已上廟縣令主簿勾當洒掃舍宇推

毀當議勘斷令吏部銓曹上住下任交割

太廟在皇城安上街東其地本隋太府寺玉作坊先天中

廢坊置廟韋公肅禮閣新儀曰乾元元年立中宗廟寶  
應四年遷神主於太廟昭德皇后永正三年祔于太廟  
今廢為乾明尼寺

四皓廟在終南山唐元和八年重建  
現聖侯廟元在春明門外天祐年移于府城東南隅人呼

為太白廟

鄭餘慶廟元在九耀街大元丙申年移於北坡子街俗呼

為鄭元和廟

秦栲里公廟在府衙西畔墓亦在此唐獨孤寔撰墓誌張

誼書公曰後當帝王之宮加我墓

杜祁公廟元在啓夏門外天祐年移來安上門裏街西今

人呼為嵇康廟其家廟城南記云在啓夏門外咸通

八年建石室猶存俗謂杜相公讀書堂石室人皆莫曉

乃奉安神主之室也宋都運張揆詩曰烟蕪啓夏門杜氏廟猶存四室有遺構九原無餒鬼國書褒舊相鄉社見諸孫赫赫牧之筆雄文垂後昆

汾

陽王家廟新說曰今府城北樹乃故基碑刻尚存天元

中統商左山行臺陝西見碑仆棘榛間再立題詩曰落日危亭獨倚欄登臨聊博片時閑天遠飛鳥望不極陌上行人猶未還莫損壯心思往事且留老眼看青山功

名誰似汾陽老万字豐碑草棘間

唐鄭國公魏徵廟按舊長安志在昌樂坊

武安君廟在咸陽縣東五里即秦將白起也

龍淵廟在興北二十五里漢武帝廟也

蕭相國廟在咸陽西北三十里

介子推廟在咸陽西北三十五里

西平郡王先廟新說曰唐李晟官至太尉中書令贈西平郡王勅立廟於京師令慈恩寺西南一里貞元八年立

廟碑尚存

金山順澤侯廟在藍田輞谷口

旌儒廟新說曰旌儒廟在臨潼西南十里旌儒鄉橫坑村

至今有冢唐天寶中改為旌儒鄉

段烈士廟三輔會要烈士段秀實廟在臨潼縣斜口鎮南

道西廟西三里是墓德宗御製神道碑太子誦書丹碑尚

三皇廟在草場街南西鄰文廟元貞改元三月

安西王遣王府右常侍火失忒木兒左常侍蒙古帶中

常侍李良弼下教曰迺者監藥提舉常慶祚建言所賜

安西府三皇廟基未克完就宜令王相府給楮幣萬一

緡且諭陝西行省陝右廉訪司暨安西路戮力經營又

專令典藏司使王庭瑞鑒愈郎前陝西四川中興等路鑒  
藥提點使司判官常慶祚咸董役尤事大德元年春正殿成  
真武廟在廣濟街流泉坊金改為玉虛觀

祠

廣惠公祠唐開成二年冊終南山為廣惠公命長安令杜  
璵南山下置祠在石谷口以李土王用事日致祭  
安平公祠在指揮街新說曰隋宇文愷有遷城營建之功

封安平公廟食於此

竹林大王祠新說曰宋寇萊公貶死雷州喪還過荆南公  
安縣民懷公德以竹掃地掛紙為祭焚之後生筍成林  
民以為神因立公祠目其竹曰相公竹其祠號竹林大  
王傳來長安於安上街立廟李誠之有詩曰已枯斷竹  
再成林天為英賢春獨深仆木偃耒如不起至今誰識

大忠心

冠萊公祠新說曰京兆掖庭街西冠萊公園亭捨為寺號  
安衆禪院中有丞相萊公祠右刻題詩曰王殿登科四  
十年當時交友盡時賢歲寒唯有君兼我白髮猶持將  
相權向敏中和云九萬鵬程一日飛與君同折月中枝  
細思淳化持衡者得到如今更有誰  
休屠神相漢書云陽縣有休屠金人徑路神祠三所越巫  
姑鄣禱祠三所孟康曰姑輅磔之事越人祠也屠臨音  
義曰句奴祭天慶本雲陽甘泉山下秦奪其地後徙休  
屠右地郡郊祀志曰徑路神祠祭休屠王也  
風后祠在藍田縣西南蚩尤嶺下  
露臺祠唐餘錄云在昭應縣南三十里三秦記曰驪山  
有人祖廟不齋戒而往即風雨迷道強即死之道里記



曰到彼即下視諸山有義軒已降形唐王璵請於昭應  
縣南三十里驪山頂置大華山宮靈臺天池婆父祠今  
置廟塑伏羲神農黃帝三后謂之三皇廟又呼人祖廟

俗呼阿婆父廟

義榮先生祠在咸寧縣韋曲村新說曰先生武姓諱天錫  
字伯威官至成和郎陝西等路鹽學提舉儒書無不請元  
精於鹽愛民以仁活人以惠至於為高塚以瘞殘骸分儲  
積以食餓者居官而辭鹽學之祿與地而葵誣己之譽  
責婢死於主而復其丰資失錢本而不質其子易楮幣  
而不直其偽車轢孫死而不罪其人奴僕之老者良之  
馬牛之死者瘞之如是者甚多有故延安總管李嘉議  
記脩載茲不復覩縷先生長子彬今以太監承事  
安西王邸次恭業鹽次敬安西路鹽學教授以奉祠事

類編長安志卷之五

今附諸君挽章于后云  
西漢王傳文子勉  
開中歷歷數名監  
尊宿  
聖重知方資政刺為司命遠聞衆幽便息机共道先生不死在傳家章有佳  
柱世不著黃金易道心百記表依鵬化景九舉獨想鶴道告破捷鈔行追能  
私滋直待春風共盛昌山木老人王利用國賓賢不遇偶通冬先休聖  
兼濟始為良武門三世陰功大仙桂森然並希芳傳左山後人政履有光鑑  
孝思存良武門三世陰功大仙桂森然並希芳傳左山後人政履有光鑑  
惟德臨門振興遠近此見陰功本仙桂森然並希芳傳左山後人政履有光鑑  
夫元戎撫心兵愧天人陰德元從藥餌中為不埋憂世慘鳳毛又繼活人  
功到今鄉里尊耆宿過武新所敬武公